



САМИМИЙ ҚУТЛОВЛАР

Бошланиши 1-бетда



Ўзбекистон Республикаси
Президенти Шавкат Мирзиёев
Жаноби Олийларига

Хурматли Шавкат Миромонович!
Сизни кириб келаётган янги 2026 йил билан чин қалбимдан табриклайман! Халқаро майдонда шериклик ва ўзаро англашувни мустаҳкамлашга хизмат қилаётган эзгу ишларингизда Сизга сўхат-саломатлик, бахт-саодат ва муваффақиятлар тилайман. Янги йил мамлакатингиз халқига фаровонлик ва равнақ олиб келсин.

Хурмат билан,

Сердар БЕРДИМУҲАМЕДОВ,
Туркменистон Президенти



Ўзбекистон Республикаси
Президенти Шавкат Мирзиёев
Жаноби Олийларига

Жаноби Олийлари!
Кириб келаётган янги 2026 йил муносабати билан самимий табрикларимни йўлламоқдаман. Сизга чин дилдан мустаҳкам соғлиқ, фаровонлик ва бахт-саодат тилайман. Янги йилда бошлаган барча ишларингиз муваффақиятли бўлсин!

Хурмат билан,

Гурбангули БЕРДИМУҲАМЕДОВ,
Туркман халқининг миллий етакчиси,
Туркменистон Халқ Маслаҳати Раиси



Ўзбекистон Республикаси
Президенти Шавкат Мирзиёев
Жаноби Олийларига

Хурматли Шавкат Миромонович!
Қадрли қардошим!
Сизни ва Сиз орқали қардош Ўзбекистон халқини кириб келаётган 2026 йил билан самимий табриклаб, энг эзгу тилакларимни йўллайман.

2025 йил Озарбайжон — Ўзбекистон муносабатларини ривожлантириш нуқтаи назаридан муҳим ва муваффақиятли йил бўлди ва бу даврда икки томонлама кун тартибимиз унутилмас воқеалар билан бойиди. Якунига етаётган йилда Сиз Озарбайжонга ҳам давлат, ҳам икки марта амалий ташриф билан келдингиз. Менинг гўзал мамлакатингизга амалий ташрифим, шунингдек, бошқа бир қатор халқаро тадбирлар доирасидаги қўллаб уchrашувлар давлатлараро муносабатларимизнинг юқори даражадаги жадаллиги ва ўзига хослигидан далолат беради. Ўзаро қатъий ишонч ва қўллаб-қувватлашга асосланган муносабатларимиз кун сайин чуқурлашиб, ҳар томонлама ривожланиб, янги мазмун билан бойиб бораётганини кўришдан хурсандман.

Ишончим комилки, биргаликдаги изчил савий-ҳаракатларимиз тўғрйли қардош халқларимиз иродасига мувофиқ, 2026 йилда Озарбайжон — Ўзбекистон муносабатлари ва иттифоқимиз янада кенгайди ва мустаҳкамланади.

Жорий йилда биз Озарбайжон ва Ўзбекистон ўртасида дипломатик муносабатлар ўрнатилганининг 30 йиллигини ҳам нишонладик.

Янги йилда Сизга ва оила аъзоларингизга мустаҳкам соғлиқ, бахт-саодат, масъулиятли ва шарафли давлатчилик фаолиятингизда

Бугун янги режаларга, янги ниятларга тўла кунлар остонасида турибмиз. Ўтган ўн икки ой сарҳисоби, хулосалари билан келажак учун аниқ мақсадлар белгилаб олмоқдамиз.



www.yuz.uz



yuz.uznews



yuz_official



yuz.uz_news



yuz.uz_news

муваффақиятлар ва янги ютуқлар, қардош Ўзбекистон халқига эса доимий тинчлик, фаровонлик ва равнақ тилайман.

Хурмат билан,

Илҳом АЛИЕВ,
Озарбайжон Республикаси Президенти



Ўзбекистон Республикаси
Президенти Шавкат Мирзиёев
Жаноби Олийларига

Хурматли Шавкат Миромонович!
Янги йил байрами муносабати билан самимий табрикларимни қабул қилинг.

2025 йил Беларусь — Ўзбекистон муносабатларига сезиларли суръат бахш этган, ўзаро манфаатли ва самарали ҳамкорлиқнинг янги истиқболларини очган ёрқин воқеаларга бой бўлди. Мамлакатларимиз ўртасидаги самимий дўстлик ва ишончли шериклик халқларимиз фаровонлиги йўлида бундан буён ҳам мустаҳкамлиб боришига ишончим комил.

Хурматли Шавкат Миромонович, Сизга чин қалбдан мустаҳкам соғлиқ, муваффақиятлар ва бахт-саодат, қардош Ўзбекистонга эса тинчлик, тотувлик ва равнақ тилайман.

Хурмат билан,

Александр ЛУКАШЕНКО,
Беларусь Республикаси Президенти



Ўзбекистон Республикаси
Президенти Шавкат Мирзиёев
Жаноби Олийларига

Ўтаётган йил билан хайрлашар эканмиз ва янги йилни кутиб олар эканмиз, Сиз, Жаноби Олийларига энг самимий табрикларимни йўллашга ижозат бергайсиз.

Янги 2026 йил давом этаётган зиддиятларни енгиб ўтиш ва умумий мақсадимиз — халқларимизнинг янада тинч, барқарор ва хавфсиз келажак сари интилиш йўлида мулоқот ва ўзаро англашувга асосланган биргаликдаги савий-ҳаракатларимиз ва конструктив ҳамкорлигимизни фаоллаштиришга бўлган қатъий интилишнинг тимсоли бўлсин.

Келгуси йилда икки томонлама муносабатларимиз мустаҳкамланишига, янада яқин ҳамкорлик ривожланишига ва икки дўст халқ фаровонлиги йўлида сезиларли натижаларга эришилишига умид қиламан.

Хурматли Президент жаноблари, Сизга бўлган юксак эҳтиромимни ҳамда бутун дунё халқлари учун тараққиёт ва фаровонликка тўла йил бўлишини тилаб билдирган самимий истакларимни қабул қилгайсиз.

Чуқур ҳурмат ва эҳтиром билан.

Янги йил муборак!

Абдулфаттоҳ ас-СИСИ,
Миср Араб Республикаси Президенти



Ўзбекистон Республикаси
Президенти Шавкат Мирзиёев
Жаноби Олийларига

Кириб келаётган янги 2026 йил муносабати билан Сиз, Жаноби Олийларини ҳамда мамлакатингиз халқини чин қалбимдан муборакбод этаман.

Умид қиламанки, келгуси йилда биргаликдаги савий-ҳаракатларимиз билан тинч-тотув яшаш ва адолатли ҳамкорлик тамойиллари-га таянган ҳолда, бугунги нотинч дунёда тинчлик ва барқарорлиқни қарор топтириш учун зарур шарт-шароитларни ярата оламиз.

Сиз, Жаноби Олийларига мустаҳкам соғлиқ ва улкан муваффақиятлар, Ўзбекистон Республикаси халқига эса бахт-саодат, фаровонлик ва равнақ тилайман.

Масъуд ПЕЗЕШКИЁН,
Эрон Ислом Республикаси Президенти



Ўзбекистон Республикаси
Президенти Шавкат Мирзиёев
Жаноби Олийларига

Муҳтарам Президент Жаноблари!
Янги йил кириб келиши муносабати билан Сизга ва оила аъзоларингизга мустаҳкам соғлиқ, мазмуни ва файзли янги йил тилаб, ўзимнинг самимий истакларимни йўллайман.

Умид қиламанки, биргаликдаги ишонч ва қатъиятга асосланган савий-ҳаракатларимиз билан хавфсиз ва тинч келажак йўлида олдимизда турган вазифаларни амалга ошира оламиз.

Хурмат билан,

Фридрих МЕРЦ,
Германия Федератив Республикаси Федерал канцлери



Ўзбекистон Республикаси
Президенти Шавкат Мирзиёев
Жаноби Олийларига

Хурматли Президент Жаноблари!
Кириб келаётган янги йил муносабати билан Польша халқи ва шахсан ўз номидан Сизга ва Ўзбекистон Республикаси фуқароларига энг самимий тилакларимни йўлламоқчиман.

2026 йил дунёдаги можароларга барҳам бериб, тинчлик, барқарорлик ва тотувлик даври бўлсин.

Сизга бўлган юксак ҳурмат-эҳтиромим ва энг эзгу тилакларимни қабул қилишингизни сўрайман.

Хурмат билан,

Кароль НАВРОЦКИЙ,
Польша Республикаси Президенти



Ўзбекистон Республикаси
Президенти Шавкат Мирзиёев
Жаноби Олийларига

Ўтган йили бўлиб ўтган мамлакатларимиз ўртасида мустаҳкам дўстлик ва ҳамкорлик ришталарига асосланган алмашинувлар учун чуқур миннатдорлик билдираман.

Умид қиламанки, 2026 йилда дўстлигимиз янада мустаҳкамланиб, ҳамкорлигимиз янада кенгайди.

Шунингдек, мамлакатларимиз бундан буён ҳам тинчлик ва фаровонлик йўлида глобал миқёсда самарали ҳамкорлик қилишига ишонч билдираман.

Сизга бардавом муваффақиятлар, мамлакатингизга эса барқарор тараққиёт ва янада юксалиш тилайман.

Кириб келаётган янги йил муносабати билан самимий табрикларимни қабул қилгайсиз.

Ли Чжэ МЁН,
Корея Республикаси Президенти

ЯНГИ ЎЗБЕКИСТОН



yuz.uz_news



yuz.uz_news



Ўзбекистон Республикаси
Президенти Шавкат Мирзиёев
Жаноби Олийларига


Ассалому алайкум ва раҳматуллоҳи ва баракотуху.
Милодий янги 2026 йил кириб келиши муносабати билан Сизга, Жаноби Олийларига, самимий табрикларим ва эзгу тилакларимни билдиришдан бағоят мамнунман.

Ушбу янги йил бутун инсоният учун хайрли бўлиб, хавфсизлик ва тинчлик ҳукм суриши, бутун дунё халқларига фаровонлик олиб келишини тилайман.

Сиз, Жаноби Олийларига, мустаҳкам сўхат-саломатлик, икки дўст давлатларимиз ва халқларимиз ўртасидаги алоқалар янада ривожланишини тилаб қоламан.

Жаноби Олийлари, юксак эҳтиромимни қабул қилгайсиз.

Шайх Мишғал ал-Аҳмад ал-Жобир ас-САБОҲ,
Кувайт Давлати Амрири



Шунингдек, қуйдагилар ўз табрикларини йўллаган:
Хитой Халқ Республикаси Раиси Си ЦЗИНЬПИН;
Қозоғистон Республикасининг биринчи Президенти Нурсултон НАЗАРБЕКОВ;

Европа кенгаши Президенти Антониу КОШТА;
Германия Федератив Республикаси Федерал президенти Франк-Вальтер ШТАЙНМАЙЕР;

Буюк Британия ва Шимолий Ирландия Бирлашган Қироллиги Бош вазири Кир СТАРМЕР;

Италия Республикаси Президенти Сержо МАТТАРЕЛЛА;
Испания Қироли ФИЛИП VI;

Словения Республикаси Президенти Наташа Пирц МУСАР;
Венгрия Президенти Томаш ШУЙОК;

Латвия Республикаси Президенти Эдгарс РИНКЕВИЧС;
Литва Республикаси Президенти Гитанас НАУСЕДА;

Хорватия Республикаси Президенти Зоран МИЛАНОВИЧ;
Бирлашган Араб Амирликлари Президенти Шайх Муҳаммад бин Зойд ОЛ НАҲАЁН;

Япония Бош вазири Санаэ ТАКАИЧИ;
Жазоир Халқ Демократик Республикаси Президенти Абдулмажид ТЕББУН;

Фаластин Давлати Президенти Маҳмуд АББОС;
Мьянма Иттифоқи Республикаси Президенти вазифасини бажарувчи Мин Аун ХЛАЙН;

Бирлашган Араб Амирликлари Вице-президенти, Бош вазири, Дубай Амирлиги ҳокими Шайх Муҳаммад бин Рошид ал-МАКТУМ;

Ўмон Султонлиги Бош вазири ўринбосари Фаҳад ал-САИД;
Сингапур Республикаси Бош вазири Ли Сянь ЛУН;

Шанхай ҳамкорлик ташкилоти бош котиби Нурлан ЕРМЕКБАЕВ;
Мустақил Давлатлар Ҳамдўстлиги бош котиби Сергей ЛЕБЕДЕВ;

Туркий давлатлар ташкилоти бош котиби Кубаничбек ОМУРАЛИЕВ;

Иқтисодий ҳамкорлик ташкилоти бош котиби Асад ХОН;
БМТ Бош котибининг Марказий Осиё бўйича махсус вакили, БМТнинг Марказий Осиё мамлакатлари учун превентив дипломатия бўйича минтақавий маркази раҳбари Каха ИМНАДЗЕ;

Жаҳон банки президенти Акай БАНГА;
Халқаро футбол ассоциациялари федерацияси президенти Жанны ИНФАНТИНО.

Қутловлар келиши давом этмоқда.

Байрам шукуҳи

Биринчи қор — болаликнинг қўл билан ушласа бўладиган хайратлари.
Биринчи қор — юраклардан эланиб ўтиб келган, дилнинг бир пок манзилида ётган туйғуларнинг болаларча некин нигоҳ билан оламга термилиши. Янги йил эса барчамизни қасбу қоримиз, жинсу ёшимиздан қатъи назар, ўшандай тирик хайратлар, қувончли лаҳзалар билан қайта юзлаштиради.

ШУКРОНАЛИК САОДАТИ

Кўз очиб юмгунча яна бир йил ортда қолди. Югурик вақт ўз йўлидан огишмай, умримизнинг навбатдаги саҳифасини тарих бағрига олиб кетди. Бугун янги режаларга, янги ниятларга тўла кунлар остонасида турибмиз. Ўтган ўн икки ой сарҳисоби, хулосалари билан келажак учун аниқ мақсадлар белгилаб олмоқдамиз.

Шаҳар ҳаётида ҳам ўзгача кайфият, байрам шукуҳи ҳукмрон. Кўчалар, майдонлар, хиебонлар байрамонга тус олган, рангли чироқлар, турли безаклар умумий муҳитга қўтаринкилик бахш этиб турибди. Бу манзара одамларнинг ички ҳолатини ҳам ифодалаётгандек гўё. Бугунидан рози, эртасидан хотиржам инсонларнинг оиласи, дўсту қадрдонлари, яқинлари даврасидагина ич-ичидан ҳис этадиган шукроналик ҳисси бу. Эҳтимол, шу туйғайлидир, янги йил кўпилаб халқларда оилавий байрам сифатида қадрланади. Унинг асосий равиш бўлган арча ҳам айнан шу бирлик ва давомийлик тимсолига айланган.

Шу маънода, янги йил кунларида мамлакатимизнинг турли ҳудудидаги марказий майдонларни шунчаки сайроғх эмас, балки жамият кайфиятини акс эттирувчи маконга қиёслаш мумкин. Арча атрофида жамланган одамлар йилни қандай руҳда кузатаётгани, янги йилга қандай қуттилмагар билан кириб бораётгани ана шу манзарада кўзга яққол ташланади. Бу борада уларнинг ўзи нима дейди — юртдошларимизга айни саволлар билан юзландик.

Қаҳҳор ЙЎЛЧИЕВ,
филилогия фанлари доктори,
профессор:

— Бу йилги шодёнанинг ўзига хос жиҳати шундаки, у одамларни умумий туйғу атрофида бирлаштириди. Йил якунида давлатимиз раҳбарининг Олий Мажлис ва халқимизга Мурожаатномаси айнан шу кайфият билан уйғунлашди. Мурожаатномада белгиланган устувор вазифалар, илмга таянган тараққиёт гоёиси, инсон қадрини марказга қўйган ёндашув эртанги кунга ишончимизни янада мустаҳкамлади.

Олим сифатида Мурожаатномада илмга қаратилган алоҳида эътибор мени бефарқ



Хаким Йўлдошев олган сурат.

қолдирмади. Ҳар бир соҳа, қайси йўналиш бўлмасин, билимга таяниши кераклиги яна бир бор аниқ ифодаланди. Таълим, иқтисодиёт, технология, ижтимоий-гуманитар соҳаларнинг барчаси илмий асос билангина барқарор ривожланиши мумкинлиги таъкидланди. Шу билан бирга, инсон қадри масаласи марказда тургани жамият учун муҳим ишора бўлди. Шу жиҳатдан Мурожаатномадаги гоғлар янги йил кайфиятига чуқуროқ мазмун олиб кирди.

Бобур АБДУНАЗАРОВ,
Ўчтепа тумани Оқмаскид
маҳалласи ёшлар етакчиси:

— Бугун ёшлар масалалари маҳалла даражасида ҳал бўлаётир. Маҳалла навқирон авлод вакилларининг кундалик ҳаёти, муаммолари, қизиқишларини биринчи бўлиб ўрганадиган, улар билан манзилли ишлайдиган тизимдир. Шу сабабли кейинги йилларда “маҳалла еттилиги” фаолияти ёшлар сиёсатининг муҳим бўғинига айланди. Бу ёндашув 2026 йилнинг мамлакатимизда “Маҳаллани

ривожлантириш ва жамиятнинг юксалтириши йили” деб эълон қилингани билан ҳам мазмунан уйғундир. Мазкур номнинг ўзиёқ давлат сиёсатида маҳаллага энди фақат ҳудудий тузилма эмас, балки жамиятни барқарор ривожлантиришнинг асосий таянчларидан бири сифатида қаралаётганини англатади.

Шу кунларда ёшлар орасидаги кайфиятни кузатар эканман, уларда байрамонга қувонч билан бир қаторда келажакка нисбатан аниқ режалар ҳам борлигини кўраман. Бугунги ёшлар ўз олдига аниқ мақсад қўяди, имкониятларни ҳисобга олади, масъулиятни ҳис қилади. Шу жараёнда давлат томонидан яратилаётган шароитлар, маҳалла даражасидаги қўллаб-қувватлаш механизмлари муҳим таянч бўлиб хизмат қиломоқда.

Янги йил, шу маънода, ёшлар учун янги савҳиба очади. Янги гоғлар, янги ташаббуслар, янги масъулият айнан шу паллада шаклланади.

Аслиддин АБДУРАЗЗОҚОВ,
“Янги Ўзбекистон” мухбири

Меҳрли сиёсат

УЛАРНИНГ ҲАР БИРИНИ ПОРЛОҚ КЕЛАЖАК КУТАДИ

Халқимизда бола туғилганда отаси ёки бобосининг ерга яхши ният билан ниҳол қадаш анъанаси бор. Бундан мақсад фарзанд улғайганда дарахт мевасидан баҳраманд бўлиши ёки соясида хордиқ чиқариб, ажодларидан миннатдорлик ҳиссини туйишидир. Ўғил-қизининг эртаси учун ота-боболарнинг ҳаракатини эрта муддатдан бошлаши бошқа халқларда кам учрайдиган ноёб қадрият.

Шу кунларда Янги йил муносабати билан ўтказилаётган “Президент арчаси” байрам тадбирларида давлатимиз раҳбари ташаббуси билан янгиача анъана йўлга қўйилди. Янги йил совғасига қўшимча равишда болалар учун омонат депозит ҳисобрақамлари очилляпти. 8000 дан ортиқ етим ва ота-онаси қарамоғидан маҳрум бўлган 17 ёшгача бўлган ўғил-қизлар учун очилган 500 ҳисобрақамларга давлат томонидан 500 АҚШ доллари миқдорига маблағ жойлаштирилмоқда.

— Ҳисобрақамга қўйилган маблағ миқдори унчалик катта эмасдек туюлиши мумкин, — дейди Ижтимоий ҳимоя миллий агентлиги бош мутахассиси Мадина Азизова. — Аммо ушбу пул йилдан йилга капитализация ҳисобида жамғариб борилади. Бола 18 ёшга тўлган, маблағдан фойдаланиш имкониятига эга бўлади. Мустақил ҳаётга қадм қўйиш учун илк қарорини қабул қилиши мумкин. 9 ёшдан катта болалар ва уларнинг қонуний вакилларига ижтимоий қаргалар берилди. Бу ишлар қўлайлик, хавфсизлик ва шаффофликни таъминлаш мақсадида қилинди. Қўллаб-қувватлаш учун ажратилган маблағ давлат ғамхўрлигига алоҳида муҳтож болалар учун мўлжалланган. Жумладан, маҳаллаларда истиқомат қилувчи етим ва ота-она қарамоғидан маҳрум, Меҳрибонлик уйлари, оилавий ва кичик ҳажмли болалар уйлари ҳамда SOS болалар кишлоқлари тарбияланувчилари, ота-оналари Ваган сарҳадларини ҳимоя қилиш чоғида ҳалок бўлган ота-оналарнинг болалари ҳамда “Таскин” болалар хосписи ҳузуридаги болалар онкология шифохонасида даволанаётганлар учун



тақдим этилди. “Таскин” болалар хосписида даволанаётганлар учун алоҳида тартиб белгиланган. Унга кўра, депозит ҳисобрақамидеги маблағ заруратга кўра ва қонуний вакиллар мурожаати асосида исталган вақтда банк картасига ўтказилиши мумкин.

Масъул ходимнинг сўзларини тинглаб, беихтиёр атоқли адиб Ғафур Ғуломнинг бир шеъри ёдимга тушди:

Сен етим эмассан, тинчлан, жигарим,
Қўёшдай меҳрибон Ватаним — онам,
Заминдай вазмин муҳнаткам, мушфиқ
Истаган нарсангни тайёрлаувчи
Халқ бор — отанг бор.

Ҳақиқатан, ўзбек халқи, Ватанимиз қандай шароитда бўлмасин, авлодларини доим суяб, ғамхўрлик қилади. Айниқса, мамлакатимиз тараққиёт пиллапояларидан дадил одимлаётган, барча ислохотлар марказида “Инсон қадри” устувор бўлган бугунги даврда аҳолини ижтимоий ҳимоя қилиш, камбағалликни қисқартириш, кам таъминланган, боқувчисини йўқотган ёшларни қўллаб-қувватлашга алоҳида эътибор қаратилмоқда.

— Жонажон юртимиз, миллатимиз эртаси ёшлар қўлида. Биз уларни бугун қанчалик кўп қўллаб-қувватласак, миллатимиз эртаси шунчалик ишончли, қароғон бўлади, — дейди Шайхонтоҳур туманидаги Янгибод маҳалласи раиси, “Фидокорона хизматлари учун” ордени соҳиби Манзура Валиева. — Айниқса, ёшларнинг билимли,

етук фазилатли бўлиб улғайиши учун бугун шарт-шароит ҳозирласак, давлат ва жамиятимиз эртасидан хавотир олмасак ҳам бўлади.

Давлатимиз раҳбари Олий Мажлис ва Ўзбекистон халқига Мурожаатномасида “Ўз-рих давомида қандай оғир синовларга дуч келмайлик, биз аввало бирдамликдан куч олдик. Машаққатли кунларда одамларимиз, маҳалла аҳли елкадош бўлиб қийинчиликларни енгган. Оила — оилага, қўшни — қўшн

ЯНГИ ЎЗБЕКИСТОН САРИ КАТТА ҚАДАМ

Иқтисодий барқарорлик, аҳоли фаровонлиги йўлида йилнинг энг муҳим воқеалари

2025 йил Ўзбекистонда юз йилликка татигулик, тарихга зарҳал ҳарфлар билан ёзиладиган муҳим воқеаларга бой бўлди. Келинг, ўзига хос аини сарҳисоб палласида юрт тараққиёти, халқимиз фаровонлиги, янги Ўзбекистоннинг халқаро майдондаги имижини янада юксалтиришга замин яратётган мана шундай муҳим ташаббуслар, эришилган тарихий натижаларга бир қур назар ташлаймиз. Аслида, уларни бирма-бир санасак, кўп саҳифали китобларга ҳам сиғмаслиги аниқ. Шунинг учун ортда қолган йилнинг энг муҳим воқеалари ва кўрсаткичларини алоҳида келтиришга қарор қилдик.

ЭКОЛОГИК МУВОЗАНАТНИ САҚЛАШ ВА СУВ СИЁСАТИ:

- “Яшил макон” умуммиллий лойиҳаси доирасида 200 миллиондан ортиқ дароҳат ва бута кўчати экилди, 208 та боғ ва парк, шунингдек, Оролбўйида экологик вазиятни барқарорлаштириш мақсадида 150,7 минг гектар ҳимоя ўрмони барпо қилинди.
- Ўзбекистон Республикасининг Сув кодекси тасдиқланди. Бу билан мамлакатда сув муносабатлари соҳасидаги асосий ҳуқуқий ҳужжатлар тизимлаштирилди. Хусусан, Ўзбекистон Республикасининг “Сув ва сувдан фойдаланиш тўғрисида”ги қонуни, шунингдек, **ПРЕЗИДЕНТИМИЗНИНГ 8 ТА ФАРМОНИ ВА 14 ТА ҚАРОРИ ҲАМДА ҲУКУМАТНИНГ 26 ТА ҚАРОРИДАГИ НОРМАЛАР БИРЛАШТИРИЛДИ.**
- 188 та маҳалладаги 715 минг одам яшайдиган хонадонларга биринчи марта тоза ичимлик сув кириб борди. Яна 2 МИЛЛИОН 300 МИНГТА ЯҚИН ФУҚАРОНИНГ СУВ ТАЪМИНОТИ ЯХШИЛАНДИ.

ИҚТИСОДИЙ БАРҚАРОРЛИК ЙЎЛИДА:

- Президентимиз 26 декабрь куни Олий Мажлис ва Ўзбекистон халқига навбатдаги Мурожаатномасини йўллади. Сўнгги тўққиз йилда жамиятимиз ва давлатимиз босиб ўтган катта тараққиёт йўли теран ҳамда ҳолис таҳлил қилинган **МУРОЖААТНОМАДА 2026 ЙИЛДА АМАЛГА ОШИРИЛАДИГАН ЭНГ МУҲИМ 6 ТА УСТУВОР ЙЎНАЛИШДАН ИБОРАТ ИСТИҚБОЛ ДАСТУРИ ТАҚДИМ ЭТИЛДИ.** Ижтимоий-иқтисодий тараққиёт шиддатидан келиб чиқиб, “Ўзбекистон — 2030” стратегиясини қайта кўриб чиқиш ташаббуси илгари сурилди.
- 2025 йилда Ўзбекистон ялпи ички МАХСУЛОТИ ТАРИХИМИЗДА БИРИНЧИ МАРТА 145 МИЛЛИАРД ДОЛЛАРДАН ОШДИ.
- Етакчи халқаро рейтинг агентликлари мамлакатимизнинг суверен рейтингини “ВВ-”дан “ВВ” погонасига кўтарди. Иқтисодий барқарорлик юқори баҳоланишида олтин-валюта захираларимиз мамлакат тарихида илк бор 60 миллиард доллардан юқори бўлгани ҳамда экспорт ҳажми 23 ФОИЗ ОШИБ, 33,4 МИЛЛИАРД ДОЛЛАРГА, ХОРИЖИЙ ИНВЕСТИЦИЯЛАР ҚИЙМАТИ 43,1 МИЛЛИАРД ДОЛЛАРГА ЕТКАЗИЛГАНИ ҲАМ ЗАМИН ҲОЗИРЛАДИ.
- Ўзбекистон ЖСТга аъзо бўлиш учун зиммасига олган мажбуриятларни тўлиқ бажарди. 2026 йилда мамлакатимизнинг ташкилотга аъзо бўлиши кутилмоқда.
- 35 МИЛЛИАРД ДОЛЛАР САРМОЯ ЭВАЗИГА 9000 ДАН ОРТИҚ ЯНГИ КОРХОНА, 300 МИНГТА ЯҚИН ЮҚОРИ ДАРОМАДЛИ ИШ ЎРНИ ТАШКИЛ ЭТИЛДИ.

ИЖТИМОЙ ҲАЁТ ЙЎНАЛИШИДА:

- Мамлакатимизда **КАМБАҒАЛЛИК ДАРАЖАСИ** 2025 йил бошидаги 8,9 ФОИЗДАН 5,8 ФОИЗГА ТУШДИ. Қарийб 1,5 МИЛЛИОН эҳтиёжманд киши камбағалликдан чиқарилиб, илк бор 1435 ТА МАҲАЛЛА КАМБАҒАЛЛИКДАН ХОЛИ ҲУДУДГА АЙЛАНДИ. Натижада 2026 йил якуни билан камбағаллиқни 2 қарра қисқартириш бўйича олинган марра 2025 йилнинг ўзида ууддаланди.
- 5 миллион фуқаро даромадли бўлди, **ИШСИЗЛИК ДАРАЖАСИ** 5,5 ФОИЗДАН 4,9 ФОИЗГА ТУШДИ. **ИШСИЗЛИК 2 ҚАРРА ҚИСҚАРДИ.**
- Болаларнинг мактабгача таълим ташкилотларига қамрови даражаси 27 фойздан 78 фойзга ошди. Ёшларнинг олий таълимга қамрови эса 9 ФОИЗДАН 42 ФОИЗГА ЕТДИ.

БУНЁДКОРЛИК ЙЎНАЛИШИДА:

- Аҳолига 8 миллион 100 минг квадрат метрли 135 минг хонадондан иборат кўп қаватли уйлар топширилмоқда. Одамларнинг ўзи ҳам яшаш шартини яхшилаш учун 19 миллион квадрат метр майдонда қурилиш қилди. Бизнес вакиллари томонидан 24 миллион квадрат метр нотурав жой объектлари барпо этилди.
- Янги Тошкентда Олимпия шаҳарчаси барпо этилди ҳамда Андижон вилоятидаги 4000 гектар майдонда янги шаҳар — Бобур шаҳри, Хоразм вилояти Хива шаҳрида “Арда Хива” халқаро туризм маркази қуриб битказилди.

СПОРТ ЙЎНАЛИШИДА:

— ФУТБОЛ БЎЙИЧА ЎЗБЕКИСТОН МИЛЛИЙ ТЕРМА ЖАМОАСИ ТАРИХДА ИЛК БОР ЖАҲОН ЧЕМПИОНАТИ ЙЎЛЛАНМАСИНИ ҚЎЛГА КИРИТДИ.

- Ўзбекистон шахматчиси **ЖАВОҲИР СИНДОРОВ** **ҲИНДИСТОН МЕЗБОНЛИК ҚИЛГАН ФИДЕ ЖАҲОН КУБОГИ — 2025 ФИНАЛИДА ҒОЛИБ БЎЛДИ.** Эътиборлиси, шахматчимиз чемпионат тарихидаги (19) энг ёш жаҳон кубоги соҳибига ҳам айланди.
- Спортчиларимиз Ёшлар параолимпияда 125 ОЛТИН, 77 КУМУШ ВА 52 БРОНЗА МЕДАЛНИ қўлга кириштириб, иштирокчи давлатлар орасида энг юқори натижани қайд этди.
- Саудия Арабистонида бўлиб ўтган футбол бўйича **U-17 ЁШ ТОИФАСИДАГИ ОСИЁ КУБОГИДА ЎЗБЕКИСТОН ЎСМИРЛАР ТЕРМА ЖАМОАСИ ЧЕМПИОН БЎЛДИ.**



ЎЗБЕКИСТОН — ХАЛҚАРО МУЛОҚОТ МАЙДОНИ:

- Самарқанд шаҳрида ЮНЕСКО Бош конференцияси кейинги қирқ йилда илк бор Франциядан ташқарида — маданиятлар чорраҳаси, цивилизациялар бешиги бўлмиш кўҳна кентда ўтказилди.
- Самарқанд “**МАРКАЗИЙ ОСИЁ — ЕВРОПА ИТТИФОҚИ**” биринчи саммитига меҳмонлик қилди.
- Кўҳна ва ҳамини навқирон шаҳарда **ХАЛҚАРО ИҚЛИМ ФОРУМИ** ўтказилди.
- Тошкент шаҳрида Парламентлараро Иттифокнинг **150-ЮБИЛЕЙ АССАМБЛЕЯСИ** ўтказилди.
- Пойтахтимизда Марказий Осие давлатлари раҳбарларининг **ЕТТИНЧИ МАСЛАҲАТ УЧРАШУВИ** бўлиб ўтди.

ЭНЕРГЕТИКА ЙЎНАЛИШИДА:

- Электр энергияси ишлаб чиқариш ҳажми илк бор 85 миллиард киловатт-соатга, эътиборлиси, мамлакатимиз электр энергия ишлаб чиқариш тармоғида ишлаб чиқарилаётган жами генерация қувватларида “яшил” энергия улуши 30 фойзга етказилди.
- 5 декабрь куни Президентимиз бошчилигида қарийб 11 миллиард долларлик 42 та энергия ишлаб чиқариш ва сақлаш қувватлари ҳамда бошқа инфратузилма иншоотлари фаолияти йўлга қўйилди. Навбатдаги 21 тасининг қурилиши бошланди.

ТРАНСПОРТ- ЛОГИСТИКА ЙЎНАЛИШИДА:

- Тошкент вилоятида янги халқаро аэропорт қурилишига старт берилди. Ўрта Чирчиқ ва Қуйи Чирчиқ туманларидаги 1300 гектар майдонда барпо этилаётган мультимодаль аэропорт Марказий Осиеда шу йўналишдаги энг катта лойиҳа. “**ТОШКЕНТ-ҲУМО**” **ХАЛҚАРО АЭРОПОРТИ** **ФОЙДАЛАНИШГА ТОПШИРИЛДИ.**
- Ер ости ва ер усти метрополитени линияларининг умумий узунлиги 70,5 километрга, бекатлар сони 29 тадан 50 тага етказилди. **МЕТРО БИР КУНДА 900 МИНГ ЙЎЛОВЧИГА ХИЗМАТ КЎРСАТМОҚДА.**
- Охирги уч йилда **АВТОЙЎЛ СОҲАСИГА ҚАРИЙБ 40 ТРИЛЛИОН СЎМ АЖРАТИЛИБ, 63 МИНГ КИЛОМЕТР ЙЎЛДА** қурилиш-таъмирлаш ишлари бажарилди. Соҳага хориждан жалб қилинаётган маблар 3 баробар ошди, 2025 йилда 1,2 миллиард долларга етди.
- Янги Ўзбекистон кўчаси бўйлаб узунлиги 468, кенлиги 25 метр бўлган ер ости автомобиль йўли барпо этилди. У саатига 10 мингдан зиёд автомобилни ўтказиш имкониятига эга. Мазкур йўналишда лойиҳалаштирилган метро йўли учун туннель ва бекат ҳам қурилди.

ХАЛҚАРО ҲАМКОРЛИК ЙЎНАЛИШИДА:

- Президентимиз АҚШга амалий ташрифи доирасида БМТ Бош Ассамблеясининг 80-юбилей сессиясида нутқ сўзлади. АҚШ Президенти Дональд Трамп билан учрашди, ўзаро мулоқотларда **ЎЗБЕКИСТОН ВА АҚШ ЎРТАСИДА 100 МИЛЛИАРД ДОЛЛАРДАН ОРТИҚ ҚИЙМАТДАГИ ИСТИҚБОЛЛИ ШАРТНОМАЛАР ИМЗОЛАНДИ.**
- Ўзбекистон Республикаси ва Европа Иттифоқи ўртасида кенгайтирилган шериклик ва ҳамкорлик тўғрисидаги битим имзоланди.
- Президентимизнинг Францияга давлат ташрифи доирасида ўшбу давлат етакчи компаниялари билан Ўзбекистонда **6,5 МИЛЛИАРД ЕВРОЛИК ИСТИҚБОЛЛИ КООПЕРАЦИЯ** лойиҳаларини амалга оширишни назарда tutувчи келишувга эришилди.
- Давлатимиз раҳбари Токиода “**МАРКАЗИЙ ОСИЁ + ЯПОНИЯ**” мулоқотининг биринчи саммитида иштирок этди. Расмий ташриф доирасида иқтисодий зоналарни ривожлантириш, қишлоқ хўжалиги, табиий асбоб-ускуналар етказиб бериш ва тадбиркорликни қўллаб-қувватлаш бўйича янги келишувларга эришилди.

Инсон муайян нуқтага етгач, доим яшаб ўтган кунларини сарҳисоб қилади. Босиб ўтилган йўлдаги ютуқлардан қувонади. Шунга қараб эртанги кун режасини тузади. Одамнинг бахт индекси ўша сарҳисоб чоғи неча марта қувонгани, мамнуният ҳис этгани билан ўлчанади, назаримда. Шукрки, 2025 йил юртдошларимиз учун мана шундай бахтли онларга бой бўлди. “Ҳаётимни ўзгартирган йил” руқни орқали ютуқларга эришган, ҳаёти тубдан ўзгарган айрим юртдошларимизнинг фикрларини жамлашга уриндик.

БАХТ ИНДЕКСИ:

ИШОНЧ, ИМКОНИЯТ ВА МЕҲНАТ МАҲСУЛИ



Мийрхон СОДИҚОВА,
иккинчи гуруҳ ногирони

ИСТАКЛАР ҒАЛАБАЛАРГА ЭЛТАДИ

Кейинги йилларда юртимизда бўлаётган жуда катта ўзгаришларни кузатиб завқим келарди. Ана шу жараёнга қандай ҳисса қўйсам бўлади деган ички бир илинж, истак ҳам бор эди. Одам орзу сари қанча кўп интилса, шунча осон эришаркан. Мен ҳам ана шу орзуларимга эришяпман.

Бир куни қизим Умида параспортта боришни орзу қилишини айтди. Кўнгли ўқсик қизимга далда бериш мақсадида отасининг рухсати билан Беруний туманидаги спорт залига олиб бордим. Қизимни параспауэрлфитинг бўйича мураббий Талғат Усенов шоғирдикка олди. Ҳафтада уч марта қизимни спорт тўғра-рағига олиб бордим. Қарасак, қизимда ушбу спорт турига қобилият бор экан. Дастлаб қизим туман босқичидаги мусобақада ўрин эгаллади. Қизимга кўмаклашиб юриб, ўзим ҳам ушбу спорт билан шуғуллана бошладим. Буни сезган мураббий менга параспауэрлфитинг билан жиддий шуғулланишни

маслаҳат берди. “Мени қўйинг, 45 ёшга кириб, спорт билан шуғулланганимдан нима фойда?” дедим. Аммо мураббий қизиктирди. “Майли, қизимни олиб келиб юрибман, шуғуллансам нимама кетди?” деб спорт машғулотларига мунтазам қатнашни бошладим. Параспортчилар ўртасида ўтказилган мусобақанинг Қорақалпоғистон босқичида қизим ўз тенгдошлари орасида, мен эса катталар ўртасидаги мусобақада 1-ўринни қўлга киритдик. Республика босқичига йўлланма олгач, ногирон бўлсам ҳам спорт билан давлатимиз номини танитишим мумкин-ку деган умид пайдо бўлди.

ҲАЁТИМНИ ЎЗГАРТИРГАН ИЛ

Болалигим сўлим Конимех кўчаларида ўтди. Ўрта мактабни тамомлаб, туман касб-хунар билим юртида таҳсил олдим. Бир неча йиллардан буён ирригация соҳасида ишлаяпман. Ҳозир Қуйи Зарафшон ирригация тизимлари ҳавза бошқармаси ҳузуридаги Кармана-Конимех ирригация тизими бошқармаси Конимех туманлараро гидроучасткаси канал бошлиғи сифатида хизмат қияпман.

ИНТИЛГАНЛАР РОҲАТИНИ КЎРАДИГАН МАКОН ВА ЗАМОНДА ЯШАЯПМИЗ



Марат САУТБОВЕВ,
“Шухрат” медали соҳиби

Сув энг азиз неъмат. Буни, айниқса, на-войиликлар жуда яхши ҳис этади. Шу боис, уни қадрлаш, тежаб, самарали фойдаланиш биз учун алоҳида долзарб масала. Ўзбекистон Марказий Осиё минтақасидаги йирик суғориладиган майдонга эга мамлакат. Юртимизда экин майдонларини суғориш, қолаверса, ичимлик эҳтиёжлари дарё ва қўллардаги чу-чук сув ресурсларига боғлиқ. Мен раҳбарлик қилаётган гидроучастка қарамоғида 24 километр туманлараро ва 196 километр хўжалиқлараро канал ва ариқлар бор. Ушбу каналлар ёрдамида туманда етиштирилаётган қишлоқ хўжалиғи экинлари ва аҳоли томорқа ер майдонлари доимий равиш-да сув билан таъминлаб келинмоқда. Яратиб берилган имкониятлар сабаб 2020 йилда 6,7 километр туманлараро ҳамда

196 километр хўжалиқлараро, 2021 йилда 8,3 километр туманлараро ҳамда 196 километр хўжалиқлараро, 2022 йилда 196 километр хўжалиқлараро канал ва ариқлар тозаланиб, белгиланган режа 100 фоиздан ошириб бажарилди. Ташкилот жамоаси гидротехник иншоотларни таъмирлаш бўйича ҳам ижобий натижаларни қўлга киритди. Сув таъминоти ўз вақтида ва тизимли бўлиши йўлга қўйил-гани боис, 550 гектар ернинг мелиоратив ҳолати яхшиланди. Натижада ҳудудда қишлоқ хўжа-лиғи экинларидан олинadиган даромад йил сайин ошиб бормоқда. Соҳадаги бу каби ишлар амалда ижобий натижалар бермоқда. Айниқса, қишлоқ хўжа-лиғига замонавий суғориш технологиялари жорий этилаётгани сув танқислиги глобал-лашадиган бир вақтда муаммога энг оқилона ечим бўлганди. Қолаверса, экин майдонлари-да юқори ҳосил олишга, шу орқали аҳолини сифатли озиқ-овқат маҳсулотлари билан таъ-минлаш самарадорлиғига хизмат қилмоқда. 2025 йилда Конимех туманидаги “Соҳиб”, “Аваз”, “Динара Шоира”, “Аҳмад бобо” ҳам-да “Гавхарбек ули Жандос” фермер хўжалиқ-ларига бевосита агрономлик ва сув тежовчи воситалар қўлланиши бўйича ёрдам кўрсат-дик. Натижада улар давлатга дон ва пахта со-тиш режаларини ортиғи билан бажарди. Умуман, 2025 йил биз учун жуда самарали бўлди. Қолаверса, деярли 30 йиллик фаоли-ятим, меҳнатим ҳам айнан шу йилда эътироф этилди. Қишлоқ хўжалиғи ҳодимлари қунида “Шухрат” медали билан тақдирландим. 2025 йил фермер хўжалиқлари, деҳқонла-римизга зарур сув таъминоти, уни тежаш ва мўл ҳосилга эришишда яхши кўрсаткичлар йили бўлди. Юртимиз бўйлаб қатор истиқ-болли лойиҳалар амалга ошди ва жадал давом этмоқда. Буларнинг барчаси биз каби соҳа ва-киллари учун унутилмас қувончли онлар ҳи-سوبланади.

МАРРАНИ ЯНАДА БАЛАНД ОЛИШНИ ЎРГАНДИМ

Инсон ҳаётида шундай воқеалар бўладики, у дунёқараш, ҳаётга муносабат ва келгуси фаолиятни ҳам тубдан ўзгартиради. 2025 йил мен учун айнан шундай муҳим ва эсда қоладиган воқеаларга бой бўлди. Жумладан, “Келажак бунёдкори” медали билан тақдирландим. Бу ҳақдаги хушхабарни илк бор эшитганимни ҳеч қачон унутмайман. Ўша лаҳзаларда қалбимда бир вақтнинг ўзида икки хил туйғу жүш урди. Бир томондан, чексиз қувонч ва фахр ҳисси, иккинчи томондан эса зиммамга юкланган улкан масъулият ҳисси.



Жамшид АХМЕДОВ,
Пахтакор туманидаги
“Боғишамол томорқа экспорт”
масъулият чекланган
жамияти раҳбари

Лекин мен учун энг қimmatли ютуқ би-лимимни бошқалар билан баҳам қўриш им-конияти бўлди. МЧЖ ҳузурида ўқув маркази очиб, томорқачиликка қизиқадиганларга ис-сиқхонадан самарали фойдаланиш, ер уну-мдорлигини ошириш ва бозор талабларига мос махсулот етиштириш бўйича тажрибамизни ўргатишимиз. Натижада биргина Боғишамол маҳалласида 35 нафар, туман бўйича эса 100 дан ортиқ фуқаро ўқув марказимизда тажриба ошириб, иссиқхона очди. Уларнинг даромад топаётганини кўриб, миннатдорлик сўзларини эшитиб, ўзимни жуда ҳам бахтиёр ҳис қиламан. “Келажак бунёдкори” медали ҳаётимни ўзгартирди. У менга тўхтаб қолишга ҳаққим йўқлигини, ҳар бир ишим билан ишончини оқлашим кераклигини уқтирди. Энди шунга яраша катта марраларни олдим. Яъни йирик иссиқхона мажмуалари барпо этиб, аҳолини йил давомида барқарор иш билан таъмин-ламоқчиман. Халқаро ҳамкорлиқни йўлга қўйиб, экспорт ҳажмини оширмоқчимиз. Му-ҳими, қишлоқда меҳнат қилиб ҳам муносиб даромад топиш, ҳаётни ўзгартириш мумкин-лигини ёшларга ўз ишим билан кўрсатишни истайм.

Ирригация тизимида меҳнат қилаётганимга 46 йил бўлди. Ана шу ўтган йиллар давомида соҳанинг паст-баландига кўп бора дуч келдим. Аммо илгари сўнги йиллардаги каби сувга эътиборни, соҳа ривожига учун кенг қўламда амалий ишлар қилинганини кўрган эмасман. Фаргона вилоятида суғориладиган асосий экин майдонлари қўшни республикалардан оқиб келувчи Норин, Исфайрам, Шоҳимардон, Сўх ва Исфара дарёларидан сув ичади. Бу сувнинг ҳар томчисидан самарали ва мақсадли фойдаланиш талаб этилади. Касбим тақозоси сабаб ҳар тонг сув ёқалаб юришни одат қилганман.

ҚУВОНЧЛИ КУНЛАРИМИЗ БАРДАВОМ БЎЛСИН

Сувни белгиланган ҳудудлар бўйлаб тў-ри ва холис тақсимлаб бериш, беҳуда йўқо-тишларга йўл қўймаслик бутуннинг муҳим амалларидан.

Мен меҳнат қилаётган Норин-Фаргона ирригация тизими бошқармаси Фаргона вилоятининг 9 та туманидаги 55 минг гектар экин майдонларига сув етказиб беради. Кейинги йилларда сув тежайдиган технология-ларни жорий этишни давлат томонидан қўл-лаб-қувватлаш бўйича янги тизим яратилди. Субсидия ажратиш механизми йўлга қўйил-ди. Томчилатиб суғориш тизими жорий қи-лингандан майдонлари 5 йил муддатга ер со-лигидан озод этилди. Аввал бундай имтиёз ва имкониятлар йўқ эди. Бетонлашмаган, ўз вақтида қовлаб, тозаланмаган ариқлар, тех-ника ва технология етишмаслиғи сувнинг беҳуда исроф бўлишига олиб келган. Энди бу борада тизимли ишлар қилиняпти. Вако-лат ва имкониятлар янада кенгайди. Тизимга илм-фан, янги технологиялар кириб келди. Биргина мисол, суғоришда тежамкор усул-лар ҳақида тезкор ахборот, унинг афзаллиқ-ларини тушунириш мумкин. Шу боис, “То-мчи” мобил иловаси яратилди. Ушбу илова сувни тежайдиган технологияларни жорий этишнинг тахминий баҳосини ҳисоблаш им-конини ҳам беради.

Муҳими, белгиланган мезонлар асосида пудрат корхоналарининг индикатор кўрсат-кичлари таҳлил қилиниб, мобил иловада эълон қилиб беришмоқда. Шунингдек, сувни тежайдиган технологияларни жорий қил-ган қишлоқ хўжалиғи маҳсулотлари ишлаб чиқарувчиларига субсидиялар беришининг



Баҳодир ШЕНАЗАРОВ,
Норин-Фаргона ирригация
tizimi бошқармаси
бош мутахассиси, “Меҳнат
шухрати” ордени соҳиби

шаффоф механизмни йўлга қўйиш мақса-дида “Agro-subsidiya” ягона ахборот тизими яратилди.

Умуман, бундай ислохотлар ирригация тизимида иш самарадорлигини оширишга хизмат қиялпти. Шу кунга қадар Норин-Фаргона ирригация тизими бошқармасига қарашли 7 километрли Бағдод хўжалик-1 канали бетонланди. Бу сув сарфини камай-тириш, Олтиариқ, Риштон ва Бағдод туман-ларидаги истеъмолчиларни доимий сув билан таъминлайди. Учқўприк туманидаги “Тараққиёт-2” канал насос станциясидаги модернизация ишлари ҳисобига 300 гектар дан ортиқ қишлоқ хўжалиғи ерларини суғо-риш билан боғлиқ муаммолар барҳам топди. Ҳозир экин майдонларини бир маромада сув билан таъминлаш мақсадида 1084 та гидро-техник иншоот, 240 километрдан зиёд канал ва коллектор орқали истеъмолчиларни сув билан узлуксиз таъминлаш борасида “йўл хариталари” ишлаб чиқилган.

Орта қолган йил ҳаётимда унутилмас воқеаларга бой бўлди. Чунки биз учун сув ўз вақтида етарлича бориб турган ҳар бир кун муҳим ҳисобланади. Юртимиздаги ислохот-лар сабаб бундай қувончли кунларимиз мўл бўлди. Яна бир қувонч — Қишлоқ хўжалиғи ҳодимлари кун муносабати билан камтаро-на меҳнатим юксак баҳоланиб, “Меҳнат шуҳ-рати ордени” билан тақдирландим.

ЮРТИМИЗДА ҲАР БИР ИНСОН ЭЪТИБОРДА

Шу кунларда ҳар бир киши 2025 йилни сарҳисоб қилмоқда. Кимдир ютуқларга эришди, кимдир режаларини бажаришда бир оз кечикди. Шуниси аниқки, аксарият юртдошларимизда йил ўзига хос яхши воқеаларга бой ўтди. Боиси, тобора ривожланиб бораётган юртда ишларимиз фақат олдинлаб бормоқда. Хусусан, мен каби оддий хунарманд учун ҳам 2025 йил катта ўзгаришларга бой бўлди.

Каштачилик — қадимий хунар. Илк бор уни буйвудим ўрганганман. Бу хунар бир қарашда оддий ишдек кўриниши мумкин. Лекин бунинг учун, энг аввало, сабр, матонат зарур. Бундан ташқари, бадий ҳаваскорлик, санъатта ошуватлик талаб этилади. Ўша болалик давларим ҳамон ёдимдан чиқмайди. Бувим қўлга игна олдимни, биз, қизлар атрофида пайдо бўлардик. У, албатта, бирор матал ёки эртак бошларди. Шунини эшитиш давомида билиб-билмаган ҳолда каштачилик силрла-рини ўрганиб борардик. Гоҳида ўланлар айтиб беради. Биз мириқиб эшитардик. Ушанда бувим: “Хунарли киши ҳеч қачон хор бўлма-ган. Азалда ҳам, бундан кейин ҳам шундай бўлади”, дея кўп гапирарди. Болалигимда бу гапларга унча эътибор бермасдим. Бутун буни тушуниб етдим.

Ўзим иккинчи гуруҳ ногирониман. Шу са-баб бирор иш билан шуғулланишга имконим йўқ эди. Ёшлиқда ўрганганларим фойда қил-ди. Дастлаб уйда кашта тикишни бошладим. Тайёр буюмларни қаерда сотишни билмас-дим. Иккилашиб, қишлоғимиз аёлларига кўрсат-дим. Қизикувчилар топилди. Аста-секин буюмларлар олишни бошладим. Харидорлар ўзи сураб келадиган бўлди. Талаб ортиб бор-гани сари ишларга бир ўзим улгурмай қолдим. Сўнг қўшни қизларни шоғирдикка олдим. Уларга хунар ўргатиб, бажарган ишига қараб, маош бера бошладим. Улардан кўриб, бошқа-лар ҳам қизикди. Бу орада тадбиркорлар учун қатор имтиёзлар яратилди. Якка тадбиркор сифатида давлат рўйхатидан ўтдим. Шундан сўнг маҳалламиздаги ишсиз хотин-қизлар бандлигини расмий равишда таъминлашни бошладим. Ҳозир 20 киши мен билан бирга



Сайёра ТУРДИҚУЛОВА,
“Жасорат” медали соҳиби

меҳнат қилади. Бундан ташқари, 30 га яқин шогирдим бор. Улар ҳам касаначилик орқали ишда ўтириб, пул топмоқда. Даромаднинг ҳам яхши. Бир ойда ўртача 15-20 миллион сўм атрофида бўлади. Ишимиз асосан қўл меҳна-ти. Шу сабаб маҳсулотимизга кўпроқ хориж-лик меҳмонлар қизиқиш билдирди. 2025 йил мен учун жуда омадли келди. Мустақиллик байрами арафасида яқинларим бирдан табриқлай кетди. Рост, ҳеч нарсадан хабарим йўқ эди. Билсам, “Жасорат” медали билан тақдирланибман. Буни эшитиб, бошим кўкка етди. Ишонасизми, бир ойгача ўша ҳа-жон, кўтаринкилик сира тарк этмади. Камта-рона меҳнатларим юксак тақдирлангани ҳаёт-га ишончинимни яна бир бор оширди. Бу юртда ҳар бир инсон эътиборда эканини англадим. Рағбатдан руҳланиб, янада янги ишларни бошлашни мақсад қилдим. Келгусида турли лойиҳаларни амалга ошириб, кўпроқ иш ўрни яратмоқчиман. Имконияти чекланган хотин-қизлар бандлигини таъминлаш борасида ҳам алоҳида режам бор. Ҳар бир йил 2025 йилдек омадли бўлсин, 2026 йил барчага қувонч олиб келсин!

Муносабат

Аёл қадри
УЛУҒЛАНГАН ЖАМИЯТ

ПРЕЗИДЕНТ МУРОЖААТНОМАСИ:
ЎЗБЕКИСТОН ТАРАҚҚИЁТИНИНГ
СТРАТЕГИК ДАСТУРИ

Давлатимиз раҳбарининг Олий Мажлис ва кўп миллатли халқимизга йўллаган Мурожаатномасида илгари сурилган гоғлар давлат сиёсатининг устувор йўналишларини аниқ белгилаб берди. Ана шу устуворликлар орасида оила ва хотин-қизлар сиёсати нафақат ижтимоий масала, балки миллий тараққиётнинг ҳал қилувчи омили сифатида эътироф этилди.

Мамлакатимизда кейинги йилларда оила ва хотин-қизларга оид давлат сиёсати тубдан янгича мазмун касб этди. Бу сиёсатга алоҳида йўналиш ёки тор ижтимоий масала сифатида эмас, аксинча, инсон қадрини юксалтириш, жамият барқарорлигини таъминлаш ва мамлакат тараққиётининг стратегик асоси сифатида қаралмоқда. Хотин-қизларни қўллаб-қувватлаш, оила институтини мустаҳкамлаш, ижтимоий ҳимоя ва иқтисодий фаоллиқни оширишга қаратилган изчил ислохотлар юртимизда инсонпарвар давлатчилик моделини шакллантирмоқда.

Юртимиз бўйлаб байрам шукуҳи кезиб юрган шу кунларда хотин-қизларнинг жамият тараққиётидаги ўрни, салоҳияти ва фидокорона меҳнатини юксак эътироф этувчи муҳим тадбир бўлиб ўтди. Оила ва хотин-қизлар қўмитаси томонидан анъанавий тарзда ўтказиладиган “Йил аёли” миллий танлови ҳамда “Энг намунали хотин-қизлар фаоли” танловининг республика босқичи ғолиблари тақдирланди.

Танловнинг туман ва шаҳар босқичларида минглаб аёллар иштирок этгани, финалга эса барча ҳудуддан енг фаол, ташаббускор ва жамият ишончини қозongan хотин-қизлар етиб келгани унинг кенг қамрови ва ижтимоий аҳамияти янада юксалганини яққол намоён этди. Республика босқичида 13 та номинация бўйича ғолиблар аниқланиб, замонамизга хос — илм-фан, тадбиркорлик, маънавият, таълим, соғлом турмуш тарзи ва ижтимоий ташаббусларда пешқадам, шу билан бирга, фарзанд тарбиясида алоҳида мактаб яратган уй бекалари бўлган аёллар кашф этилди.

“Йил аёли — 2025” Гран-при соҳибни Гулмира Жумаеванинг ҳаёт йўли сабр, матонат ва фидокорлик тимсоллидир. У узок йиллар меҳнат миграциясида юриб, ҳаёт синовларини мардона енгиб ўтган. Ватанга қайтган эса хотин-қизларга яратилаётган кенг имконияتلардан оқилона фойдаланиб, бутун тадбиркорлик ва экология соҳаларида самарали фаолият юритмоқда. Иш ўринлари очиш, атроф-муҳитни муҳофаза қилишга қаратилган ташаббуслари билан жамият тараққиётига муносиб ҳисса қўшаётган Гулмира Жумаева ушбу самарали ишлари учун Президентимиз совғаси — автомобиль билан тақдирланди.

Илм-фан ва инновация йўналишида эса “Йил аёли” миллий танловининг 1-ўрин соҳибни Дилдора Мухомедованинг сунъий интеллект ва тиббиёт интеграциясида қаратилган илмий ишланмалари нафақат фан соҳасида, балки соғлиқни сақлаш амалиётида ҳам кенг ижтимоий аҳамият касб этди, аҳоли саломатлиги муҳофазасига хизмат қилаётир.

Шунингдек, танлов ғолиблари орасида тадбиркорлик орқали минглаб иш ўринлари очган, илм-фан ва инновацияни амалиётга таъбиқ этган, маҳалла ва жамият ҳаётида фаол иштирок этиб келаётган аёллар бор. Айниқса, “Матонатли аёл” номинациясига спорт соҳасида юртимиз шарафини муносиб ҳимоя қилган қизимиз Хусниябунинг унинг онали лойиқ кўрилди ва унинг кўп йиллик меҳнати эътироф этилди. Зеро, спортчи қизимизнинг тарихий ютуқлари ортида онасининг бемисл матонати, сабри ва шукронаси турибди.

Маҳалладаги эзгу ташаббусларни республика миқёсида самарали ҳаракатга айлантира олган “Энг намунали хотин-қизлар фаоли” танлови ғолибларининг тақдирланиши ҳам давлат ва жамоатчилик ўртасидаги ишончли кўприк сифатида аёллар фаоллигининг нақадар муҳим эканини яна бир бор тасдиқлади.

Ушбу танловлар янги Ўзбекистонда хотин-қизларга яратилаётган кенг имкониятлар, уларнинг салоҳиятига ишонч ва давлат сиёсатида аёл, инсон қадри юксак ўрин тутаётганининг амалий ифодасидир. Бундай фидойи аёлларнинг замонамиз қаҳрамонлари сифатида эътироф этилиши эса бутунги ислохотларнинг тўғри ва изчил йўлда давом этаётганини тасдиқлайди.

Янги Ўзбекистонда хотин-қизлар ҳуқуқлари ҳимоясини тубдан қучайтириш, уларнинг турмуш шaroитини яхшилаш, таълим олиши ва салоҳиятини рўёбга чиқариши учун кенг имконият яратилишга устувор аҳамият қаратилмоқда.

Мурожаатномада илгари сурилган гоғлар, олтига муҳим устувор йўналиш ҳам айнаб бор борадиган сиёсий ироданинг мантйқий давоми сифатида намоён бўлди. Хусусан, жамиятнинг бирлаштирувчи энг муҳим таянч оила ва маҳалла экани алоҳида таъкидланди. “Тарих давомида қандай оғир синовларга дуч келмайлик, биз аввало бирдамликдан куч олдик. Маашаққатли кунларда одамларимиз, маҳалла аҳли елкадош бўлиб қийинчиликларни енгган. Оила — оилга, қўшни — қўшнига кўмак бериб яшаган. Биз мана шундай ўта ноёб қадриятимизга доимо содиқ қолишимиз, ёш авлодимизни айна шу руҳда тарбиялашимиз керак”, деди давлатимиз раҳбари.

аниқлаш ва оқибатларини бартараф этишга қаратилган самарали тизим яратиш фақат ҳуқуқни муҳофаза қилувчи органларнинг эмас, балки бутун жамиятнинг умумий масъулияти экани белгилаб берилди. Мазкур тизим хотин-қизларнинг ўзини ҳимояланган ҳис қилиши, давлат ва жамиятга ишончининг мустаҳкамлашиши учун муҳим замин ҳозирлайди.

Янги Ўзбекистонда хотин-қизлар ҳуқуқ ва манфаатларини ҳимоя қилиш, оилавий зўравонлиқнинг олдини олиш, уларнинг чинакам фаровон ва бахтли яшашини таъминлаш устувор масалалардан. Асосий қонунимизда белгилаб қўйилгандек, инсоннинг шаъни ва қадр-қиммати дахлсиздир. Ҳеч нарсa уларни камситиш учун асос бўлолмайди. Ҳеч ким қийноққа солиниши, зўравонликка, бошқа шафқатсиз, ғайриинсоний ёки инсон қадр-қимматини камситувчи муомалага ёхуд жазога дучор этилиши мумкин эмас.

Давлатимиз раҳбарининг қатъий сиёсий иродаси туфайли “Инсон қадри учун” тамойили асосида зўравонлиқнинг ҳар қандай кўринишига қарши тизимли ишлар бажарилмоқда. Ўзбекистон Марказий Осиёда биринчи бўлиб оиладаги зўравонлиқни жинсий жавобгарлик сифатида белгилаб қўйди. 2019 йилда “Хотин-қизлар ва эркаклар учун тенг ҳуқуқ ҳамда имкониятлар кафолатлари тўғрисида”ги ва “Хотин-қизларни таъбиқ ва зўравонликдан ҳимоя қилиш тўғрисида”ги ҳамда 2023 йилда “Хотин-қизлар ва болалар ҳуқуқлари, эркинликлари ҳамда қонуний манфаатларини ишончли ҳимоя қилиш тизими янада такомиллаштирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида”ги қонунлар қабул қилинди. 2023 йилдаги қонун билан 5 та кодекс ва 10 та қонунга ўзгартиш ва қўшимчалар киритилди.

Президентимизнинг 2024 йил 10 майдаги “Таъбиқ ва зўравонликдан жабрланган шахсларга ижтимоий хизматлар кўрсатишни такомиллаштириш бўйича қўшимча чора-тадбирлар тўғрисида”ги қарори бу борадаги ишларни янада самарали ташкил қилиш учун муҳим ҳуқуқий асос бўлмоқда.

Ушбу хайрли чора-тадбирларнинг давоми ўлароқ, яқинда “Ўзбекистон Республикасининг айрим қонун ҳужжатларига таъбиқ ва зўравонликдан жабрланган хотин-қизларни ҳимоя қилиш тизимини янада такомиллаштириш ҳамда боланинг энг устувор манфаатларини таъминлашга қаратилган ўзгартириш ва қўшимчалар киритиш тўғрисида”ги ҳамда “Ўзбекистон Республикасининг айрим қонун ҳужжатларига хотин-қизлар ва болаларнинг ҳуқуқ ҳамда эркинликлари ҳимоясини янада қучайтиришга қаратилган ўзгартириш ва қўшимчалар киритиш тўғрисида”ги қонунлар лойиҳаси тайёрланди.

Хотин-қизлар, болаларга нисбатан ҳар қандай кўринишдаги зўравонлик ва камситишларнинг олдини олишга барчамиз масъулмиз. Бутун жамият зўравонликка қарши курашиш учун ягона кучга айланиши керак. Ҳаммаиа уйғок тафаккур билан бефарқ бўлмаслик, зўравонлиқнинг олдини олиш учун барча имкониятларни ишга солиш орқали барбод бўлган тақдирлар, йўқолган умидларга нажот беришимиз мумкин.

Опа-сингилларимизни ҳимоя қилишга қаратилган ҳар бир ташаббус, ҳар бир қарор инсон қадрини олий қадрият сифатида эътироф этган янги давлатчилик фалсафасининг амалий ифодаси ўлароқ жамиятга адолат, қонун устуворлиги ва маънавий соғлом муҳитни қарор топтиришга хизмат қилади.

Президентимизнинг навбатдаги Мурожаатномасида илгари сурилган гоғ ва ташаббуслар, устувор вазифалар оила ва хотин-қизлар сиёсати янги Ўзбекистон тараққиётининг марказида эканини яна бир бор тасдиқлади. Бу сиёсат ижтимоий адолатга таянган, инсон қадрини энг олий қадрият сифатида эътироф этган ва келажақ авлод манфаатларини устувор қўйган барқарор тараққиёт йўли сифатида намоён бўлмоқда.



Элдор АРИПОВ,
Ўзбекистон Республикаси
Президенти ҳузуридаги Стратегик
ва минтақаларо тадқиқотлар
институтини директори

Макроиктисодий мувозанат алоҳида эътиборга лойиқ. Иқтисодиёт ва инвестицияларнинг ўсиши давлат қарзининг назорат қилинадиган даражаси ва молиявий барқарорлик сақланиб қолган ҳолда кечди. Бу жуда муҳим. Чунки сўнгги йиллар тажрибаси тегйишли мувозанатсиз жадал ўсиш кўпинча келажақдаги ривожланиш учун кесковлар тўпчилишига олиб келишини кўрсатади. Мурожаатномада таъкидланишича, Ўзбекистон онгли равишда эҳтиёткор



рона, аммо стратегик жиҳатдан манфаатли йўналишни танлаб олган.

Сўнгги ўн йилликдаги динамикани таққослаш муҳим стратегик ҳулоа чиқариш имконини беради: Ўзбекистон келажақдаги ривожланиш иқтисодиёт кўлами билан эмас, балки унинг сифати билан белгиланадиган босқичга яқинлашди. Шунинг учун ҳам Мурожаатномада меҳнат унумдорлигини ошириш, технологик

лари иккинчи даражали эмас, балки стратегик устувор йўналиш сифатида кўрсатилган. Бу инсон капитални сифатини ва ижтимоий ҳаракатчанлиқни оширишга бўлган ҳақиқий ижтимоий талабга мос келади.

Давлат бошқарувида бағишланган қисм ҳам алоҳида таҳлилга лойиқ. Сўнгги йилларда фуқароларнинг энг кўп мурожаатларидан бири бюрократияни қамайтириш, амалдорларнинг масъулияти ва фаолияти шаффофлигини оширишга оид бўлмоқда.

Мурожаатнома мазмунини давлат ўз фуқароларини эшитиш ва жамоатчилик қучтаётган янгиланишларини стратегик сиёсат элементларига айлантириш қобилиятини биргалликда намоийи этаётгани ҳақида ҳулоа чиқаришга имкон беради.

Президентимиз бу жараёнда ислохотларнинг асосий меъмор сифатида алоҳида ўрин эгаллайди. Халқро молиявий ва таҳлилий институтлар ўттиш иқтисодиётга эга мамлакатларда кенг қамровли ислохотларни муваффақиятли амалга ошириш учун сиёсий етакчилик жуда муҳимлигини бир неча бор таъкидлаган.

Ўзбекистон мисолида изчиллик, сиёсий ирода ва узок мuddати натижага йўналтирилганлик макроиктисодий барқарорлаштириш, ижтимоий сиёсат ва институционал ислохотларни ягона стратегия доирасида уйғунлаштириш имконини берибди. Президентимиз Мурожаатномаси ушбу стратегиянинг жамланган ифодаси ва уни янада қучураштириш воситаси бўлиб хизмат қилади.

Умуман олганда, Президентнинг парламентга Мурожаатномаси нафақат ислохотларнинг навбатдаги босқичи кун тартибининг, балки Ўзбекистоннинг келажақдаги ривожланишининг стратегик матрицасини шакллантиради. У етакчи халқро ташкилотларнинг эмпирик маълумотлари ва баҳолари билан мустаҳкамланган бўлиб, ички консенсусни мустаҳкамлайди ва халқро ҳамжамиятининг ишончини қучайтиради. Айнаи шу жиҳат унинг асосий аҳамиятини белгилайди — у ислохотларнинг барқарорлигини таъминловчи ва мамлакатнинг узок мuddати рақобатбардошлигини белгилаб берувчи муҳим ҳужжат ҳисобланади.



Юксалиш палласи

Йил поёнига етиб, янги йилга умид ва ишонч билан қадам қўяр экан, одам беихтиёр ортга назар ташлайди, мулоҳазага чўмади. Ютуқлар, натижалар, рекордлар, олқишлар — ҳамма-ҳаммаси ажойиб.

ЖАҲОН ШАХМАТ ТОЖИНИ ЎЗБЕКИСТОНГА ОЛИБ КЕЛАМАН

Аммо улардан ҳам аввал бундай лаҳзада ҳаёлингизга муваффақият йўлидаги оғир меҳнат, сабр, ички курашлар, яқинлар, устозлар қўллови ва албатта, ортингизда тоғдек мадад бўлиб турган ватан ва халқ ишончи келади.

Мен учун 2025 йил ана шундай ҳислар билан эсда қолди. Шахмат тахтаси ёнида ўтириб, ҳар бир юришни ўйлаб амалга оширган, минг бир ҳаяжон билан ўтказган лаҳзаларим кўп бўлди. Ўша пاللаларда нафақат рақиб, балки ўзим билан ҳам баҳсга кирган пайтларим етарли.

2025 йил халқаро майдонларда кўплаб йирик турнирларда иштирок этдим. Кучли рақиблар, кескин партиялар, бир неча соатлаб чўзилган ўйинлар ҳаётимнинг одатий манзарасига айланди. Осиё ва жаҳон миқёсидаги мусобақаларда қўлга киритилган ғалабалар, рейтингдаги ўсish, терма жамоа сафида эришилган натижалар, ўйлайманки, юртимиз ёшларининг интеллектуал салоҳиятига далил, мамлакатимизда спортга, хусусан, шахматга алоҳида эътибор ва рағбатнинг амалдаги намоёни бўлди. Айниқса, Ҳиндистоннинг Гоа шаҳрида ўтказилган ФИДЕ жаҳон кубогига ғолиб бўлиб, бундай

натижага эришган тарихдаги энг ёш шахматчи сифатида эътироф этилишим ўзимга, ўз кучимга ишончимни янада оширди. Бу ғалаба жаҳон шахмат тожи учун курашиш имконини берувчи номзодлар мусобақасида қатнашиш йўлнамасини тақдим этиши билан ҳам жуда аҳамиятли эди.

Ўтган йил давомида бошимдан ўтказган энг эсда қоларли воқеалардан бири Президентимиз билан учрашув бўлди. Давлатимиз раҳбари менга “Ўзбекистон Республикасида хизмат кўрсатган спортчи” унвонини бериб, мукофотларини топишар экан, бу эътибор шахсий ютуқдан кенгроқ маъно касб этишини чуқур ҳис қилдим. Бу ишонч ўзбек шахматига, ёш спортчиларга, интеллектуал меҳнатга берилган юксак баҳо сифатида қалбимдан чуқур жой олди. Ўша учрашувдан кейин халқимиз олдидаги дахлдорлик масъулиятим янада ортди дея оламан.

Янги йил кайфияти билан келажақ ҳақида кўп ўйлаялман. Олдинда турган асосий мақсадларим аниқ. Бу йил бўлиб ўтадиган номзодлар турнирида муносиб иштирок этиш ниятим бор. Мазкур мусобақа шахмат оламидаги энг катта синовлардан бири саналади. Бунда ҳар бир партия, ҳар бир

юриш, ҳар бир қарор жаҳон шахмат тожиге элтадиган йўлнинг бир бўлаги. Ўша йўлда бор кучимни сарфлаб, юртимиз байрогини энг юқори чўққига олиб чиқиш орзуси билан яшаялман.

2026 йил шукухи кунларида ич-ичимда ўзинга хос хотиржамлик, шукӯҳ ва энг муҳими, ишонч бор. Ортада қолган 2025 йил эса менга нафақат спортда, балки ҳаётда ҳам асқатадиган сабақлар берди. Уни тенгдошларим, ука-сингилларим билан ҳам бўлишмоқчиман: имкониятларингизга, билим ва салоҳиятингизга ишонинг, меҳнатдан қочманг. Шунда натижалар ўз вақти билан бирин-кетин келаверида, орзулар ушалади.

Янги йил барчамизга янги имкониятлар, тоза ниятлар ижобатини олиб келсин. Мен ўша имкониятларни шахмат тахтаси устида, ҳалол кураш ва тинимсиз изланиш билан қарши олишга тайёрман.

Жавоҳир СИНДОРОВ,
халқаро гроссмейстер,
Ўзбекистон Республикасида
хизмат кўрсатган спортчи

МУНДИАЛДА ВАТАНИМИЗ ШАЪНИНИ МУНОСИБ ҲИМОЯ ҚИЛАМИЗ

Гапни узокдан бошлагим йўқ. Шусиз ҳам бу кунларни узок кутганмиз. Шунданми, ортада қолган йил ҳақида эсласам, кўз олдимда, биринчи навбатда, футбол ўйингоҳи акс этган манзара гавдаланади: халқимизнинг ўттиз тўрт йиллик орзулари рўёбга чиққан лаҳза, Ўзбекистон илк бор жаҳон чемпионати йўлнамасини қўлга киритган кун.



Албатта, бу маррага осонликча етганимиз йўқ. Ғалабалар ортида йиллар мобайнида майдонда ва майдон ташқарисида қилинган захматли меҳнатлар, болалар футболдан тортиб, терма жамоагача бўлган бир бутун тизимни ташкил қилувчи инфратузилма, давлат даражасидаги эътибор, стадионда, экран қаршисида жамоа учун чин дилдан жон куйдирган миллионлаб мухлислар, она халқимиз, Ватан турибди! Шу туфайли ҳам 2026 йилги жаҳон чемпионатида йўлланма мен учун, бутун жамоамиз учун чин маънода фохр бўлди. Бу халқнинг ишончи, дуоси билан келган тарихий бахт эди.

Энг эсда қоларли лаҳзалар эса, шубҳасиз, 2025 йил 5 июнь кунини БАААга қарши ҳал қилувчи сафар ўйинида рўй берди. Тўғри, биз гол киритиб, ғалаба қозонмадик. Аммо ишонтириб айтаманки, фанатимиз давомидаги ҳеч бир ғалаба ўша кунги дуранг натижасидан ортироққу қувонч ҳада этмаган менга, бу футболдан-да каттароқ нарсаси эди... Бу қувонччи фақат биргина сўз билан ифодалаш мумкин: МУНДИАЛ!

Шу кунни Президентимиз телефон орқали терма жамоамизни алоҳида табриклади. Бундан буён ҳам ҳар томонлама қўллаб-қувватлашга тайёрлигини айтиб, юксак ишонч

билдирди. Давлатимиз раҳбарининг табриқда айтган “Аминман, бу тарихий ютуқ халқимизни эзгу мақсадлар йўлида янада бириллаштиради, минг-минглаб ёшларимиз учун илҳом манбаига, ибрат тимсолига айланади, Янги Ўзбекистоннинг халқаро обрў-эътиборини янада оширишга хизмат қилади”.

Сизлар футбол майдонларидаги мана шундай шонли ютуқдан янги куч ва руҳ олиб, келгуси йили АҚШ, Мексика ва Канада давлатларида бўлиб ўтадиган жаҳон чемпионатида нафақат Ўзбекистон, балки бутун Марказий Осиё минтақасининг биринчи ва ягона вакили бўлишдек юксак сарафни чуқур ҳис этган ҳолда, янада катта жонбозлик кўрсатасизлар, деб ишонаман”, деган сўзлари кўнглимизни тоғдай кўтарди, айни чоғда зиммамизга халқимиз, Ватанимиз олдида янги масъулият юкляди.

2025 йил 10 июнь кунини Тошкентдаги “Бунёдкор” стадионида Қатар терма жамоасига қарши бўлиб ўтган саралаш босқичининг сўнгги тур баҳси ҳам чинакам байрамга айланиб кетди. Президентимиз учрашувини стадионда томоша қилди, байрамона кайфият бутун аренани қамраб олди. 86-дақиқада ҳисобини 2:0 кўрнинишига келтирган голга

муаллифлик қилганим асло ёдимдан чиқмаса керак. Уйиндан сўнг бутун делегация аъзоларининг муносиб тақдирланиши эса юртимизда футболга алоҳида эътибор, ёшларга юксак ишонч рамзи бўлди.

Энди олдимизда жаҳон чемпионати майдонлари турибди. Яхши биламиз: у ерда ҳам-ма нарсаси бошқача бўлади, тезлик, босим, шу билан бирга, имконият ҳам. Жамоа сардори, Европа майдонларида тўп тепган, у ердаги футболчилар билан ўзимизнинг йигитларини солиштириш имконига эга инсон сифатида бемалол айтишим мумкин, бизда ҳар қандай рақибга қарши муносиб қаршилиқ кўрсата оладиган, етуқ, маҳоратли ўйинчилардан иборат бир бутун авлод шаклланган.

Янги йил кириб келган шу дамларда одам режалар тузади, ўзинга ўзи ваъдалар беради. 2026 йилга қадам қўяр эканмиз, халқимизга ваъда берамиз: биз жамоамиз билан бутун дунё кўз ўнгига халқимиз, мухлисларимиз ишончини, албатта, оқлаймиз, мундиалда Ўзбекистон номини муносиб ҳимоя қиламиз.

Элдор ШОМУРОДОВ,
футбол бўйича Ўзбекистон
миллий терма жамоаси сардори



Қаҳратон қишнинг изгиринли оқшоми, ташқарида бўралаб қор ёғаётган, табиат оппоқ либосга бурканиб, сокин ўйқуга кетган фусункор бир палла. Уйимиз атрофидаги дарахтлар шоҳларида кўним топган қор парчалари худди қумуш тангаларни ёдга солади. Ёшу қари қўшнилари жам бўлиб, бўсағадаги айвон тагида суҳбат қуриб ўтирибмиз. Давраимиз тўрида ўрин эгаллаган саксон ёшни қаршилаган Олим бобо қўшнилардан бири дамлаб чиққан қайноқ чойдан хўплар экан, нигоҳларини бир нуқтага қадайдди, унинг ҳар бир сўзи, ҳар бир ҳаракати биз учун худди ҳаёт дарслиги вазифасини ўтайди.

Олим бобонинг қадок қўлларига термилман: бу қўллар шунчаки тана аъзоси эмас, балки машаққатли меҳнат, сабр-тоқат ва ҳалоллик билан битилган тирик тарих

китобидек. Отахон секин томоқ қириб, сўз бошлайди, унинг овозида йил бўйи тўпланган ҳикмат ва келажакка бўлган мустақкам ишонч оҳанглари жам. “Болаларим, — дейди

у вазминлик билан, — мана, Илон йили ҳам ўз поёнига етиб бораётир, донишманд Шарқ бежиз йилларни жониворлар номи билан атамаган, зеро, ҳар бирининг ўз нияти, ўз ҳикмати мавжуд”.

Дарҳақиқат, якунига етган 2025 йил ўзининг вазминлиги, чуқур мулоҳазаларга бойлиги билан хотирамизда сақланиб қолди. Илон мучали Шарқ тақвимида ақл-қавоқд, узокни кўра билиш ва эътиёткорлик рамзи ҳисобланади. Ўтган давр мобайнида халқимиз ҳар бир ишни етти ўлчаб бир кесиб, пойдеворларини янада мустаҳкамлади, келгуси катта марралар учун пухта режалар тузди. Олим отанинг таъкидлашича, Илон йили инсонни шошма-шошарликдан тийиб, ақл чирогини билан йўл танлашга ўргатган давр бўлди, энди эса навбат шиддатга, ҳаракатга ва юксак парвозларга етиб келди.

“2026 йил от мучали саналади, — дея сўзида давом этади бобо кўзларида ўзгача учқун акс этиб. — От шунчаки жонивор эмас, балки йиғитнинг қаноти, эркинлик ва садоқат тимсолидир. Бобом раҳматли отбоқар ўтган ва у айтардики, От йилида туғилган режа қоғозда қолиб кетмаслиги керак, чунки от чопиш учун, манзилга етиш учун яралган. Кириб келган йил тиним билмас меҳнат, ҳалол пешана тери ва улкан бунёдкорликлар даври бўлиши кутилмоқда”.

Кекса отахоннинг айни ўғитлари замирида катта ҳақиқат мумасам. Шарқ фалсафасида от кўёш ва олов унсори билан узвий боғланади, унинг табиати жўшқин, ҳаракатчан ва олижаноб ҳисобланади. Эътибор қаратадиган бўлсак, от ҳеч қачон эгасига хиёнат қилмайди, хавфни олдиндан сезади ва ўз уюрини ҳимоя қилишга интилади. Айнан ушбу жиҳатлар янги йилда жамиятимизда инсоний муносабатлар янада мустаҳкамланиши, меҳр-оқибат ришталари боғланиши ва ватан тақдирига дахлдорлик ҳисси юксалишидан дарак беради.

Олим ота чойини охиригача ичиб, пиёла ни тўнтарар экан, яна бир ҳаётий ҳикояни ёдга олди: “Ёшлигимда чопқир отим бор эди, лақаби Ёрикўк бўлиб, унинг юриши шунақанги равон эдики, устидаги пиёладаги сув тўкилмасди, лекин югуришга тушса, шамол билан пойгага киришарди”.

От йилининг хосияти ҳам шунда намоён бўлади — у ҳам равонлиқни, ҳам тезлиқни талаб этади. Мамлакатимиз бутун худди ўша тулпор янглиг Учинчи Ренессанс сари дадил одимламоқда. Илон йилида экилган дон, ўйланган режалар энди От йилининг

кучи ва ғайрати билан ҳосилга қиради, рўёбга чиқади.

Сўхбатимиз қизигандан қизиб, мавзу от мучалининг барака ва ризқ-рўз келтириши ҳақидаги қарашларга уланди. Халқимизда “От бор уйда кут-барака бўлади” деган нақл бежиз айтилмаган. Отахоннинг эътироф этишича, бу йил деҳқончиликда ҳосил мўл бўлиши, дастурхонларимиз тўқинлиги ва халқимиз фаровонлиги ортиши кутилмоқда. Бунинг сабаби оддий — от меҳнаткаш жонивор ҳисобланади ва у тинимсиз ҳаракатда бўлгани учун ҳам унинг ризқи бутун бўлади. Дангасалик, лоқайдлик от мучалига бегона хислатлар саналади, кимки астойдил меҳнат қилса, ўз касбига меҳр қўйса, тулпор йили уни албатта тақдирлайди, юксак марраларга олиб чиқади.

Очгини, бобонинг сўзларини тинглаб, қалбимда келажакка ишонч янада ортди, гўёки узокдаги қорли далалар узра кўринмас, аммо шиддатли тулпорлар дупури эшигитлаётгандек туюлди. Бу дупурлар — янгилашган Ўзбекистоннинг, ўз мақсадлари сари интилаётган ёшларнинг ва дуоғўй кексаларимизнинг юрак уришидай.


“От йилида бошланган ҳар бир хайрли иш тезкорлик билан амалга ошиши, кутилганидан ҳам аъло натижалар бериши башорат қилинади, чунки отнинг табиати тўсиқлар олдида тўхташни эмас, балки улардан сакраб ўтишни, янги уфқларни забт этишни хуш кўради.

Кеча ярмидан оққанда Олим ота дуога қўл очди ва унинг юзидаги ҳар бир ажин нурланиб кетгандек кўринди. “Илоҳим, — деди у ишончли овозда, — янги йил юртимизга

тинчлик, хонадонларимизга хотиржамлик олиб келсин, амалга оширилаётган барча эзгу ишлар тулпор тезлигида ривожлансин. Халқимизнинг ризқи улуг, мартабаси баланд бўлиши насиб этсин, отнинг кучи билагимизга, шижоати юрагимизга кўчсин”.

Барчамиз “Омин!” дея юзимизга фотиҳа тортиқ. Қор ёғишдан тўхтаб, осмонда юлдузлар чарақлаб кетган эди. Гўёки табиатнинг ўзи ҳам оппоқ қор гилами устидан кириб келган янги йил — шонли ва шиддатли От йилига пешвоз чиқишга ҳозирлик қўраётгандек тасаввур уйғотди. 2026 йил шунчаки тақвимнинг алмашиши эмас, балки ҳар биримиз учун янги имкониятлар, янги зафарлар ва юксак марралар сари ташланадиган дадил қадам бўлиши шубҳасиз. Зеро, манзилимиз аниқ, йўлимиз ёруғ, бир йиллик ҳамроҳимиз эса садоқат ва ғайрат тимсоли бўлиш тулпор йили саналади.

Жонибек АЛИЖОНОВ,
“Янги Ўзбекистон” муҳбири



ГАЗЕТАДАГИ
МАТЕРИАЛЛАРНИ
ЛОТИН ЁЗУВИГА
АСОСЛАНГАН ЎЗБЕК
АЛИФБОСИДА ЎҚИШ
УЧУН МАЗКУР
QR-КОДНИ СКАНЕР
ҚИЛИНГ.